

Полный сборник канонов и молитв святителю Николаю,
архиепископу Мирликийскому

Другой канон из службы 6/19 декабря

Г л а с 1

Начало канона см. 01 - Начало канонов.doc

Песнь 1

Ирмос: Христос раждается – славите! Христос с небес – срящите! Христос на земли – возноситеся! Пойте Господеву, вся земля, и веселием воспойте, людие, яко прославися.

Припев: Святителю отче Николае, моли Бога о нас¹.

Недоуменным языком и устнами похваление малое и моление принести твоему, Николае, приидох богоподражанному преизяществу; но, яко богатодавец, Спаса и Бога милостива подаждь ми.

Человек сый небесный, равноангелен на земли явился еси, вдов защитник готовый, и утруждаемых отмститель, и всем скорбящим в бедах помощник, отче Николае.

Скажет вся подсолнечная, Николае треблаженне, чудес твоих добродетелей пучину: нищии предстателя, и сироты и вдовы питателя, и слепии путевожда, вси же поборника.

Слава, *Троицен:* Троицу чествуую несозданную, Отца и Сына со Духом, существо просто, Божество, естество несекомое существенно, три ипостаси, разделяя лично и по ипостаси.

И ныне, *Богородичен:* Безсеменно Слово зачала еси, единого от Троицы, Всенепорочная, и Сего плотию родила еси, пребывши по рождестве Дева, яко и прежде. Сего, яко Сына Твоего и Бога, о нас присно моли.

Моли Бога о нас, святителю отче Николае, яко мы усердно к тебе прибегаем, скорому помощнику и молитвеннику о душах наших.

Песнь 3

Ирмос: Прежде век от Отца рожденному нетленно Сыну и в последняя от Девы воплощенному безсеменно, Христу Богу возопиим: вознесый рог наш, Свят еси, Господи.

Скрижаль в сердца стяжав, Богомудре, многих добродетелей, написану безсмертным и пречистым перстом Христа Бога, Николае, паче меда и сота

¹ Этот припев повторяется перед первыми двумя (или тремя, если есть третий) тропарями канонов святителю Николаю, в каждой песне.

сла́дость то́чиши из усте́н твои́х.

Показа́ благода́ть на тебе́, пресла́вне чудеса́, Никола́е: чи́стое бо жити́е твое, вои́стинну зла́та светле́йши, облиста́ет мра́чныя ду́ши заре́ю Божество́ннаго Духа.

Живе́ши и по сме́рти, во снех я́ве явля́ясь, и ю́ноши от сме́рти пресла́вно изба́вил еси́, вопи́я я́ве царю́: не оби́ди муже́й, су́етною за́вистию оклеветáнных.

Слава, *Трои́чен*: Мило́стива бу́ди мне, все́вятая Трои́це, Бо́же наш, безме́рными прегреше́нии оскверни́вшему жити́е, Отче, Сыне и Душе живы́й, соблюда́ющи мя отвсю́ду, и при́сно неуязвленна от ско́рби.

И ны́не, *Богородичен*: Дае́ши, Богоро́дице, спасе́ния наде́жду рабо́м Твоим и в ну́ждах, и напáстех скороте́чными моли́твами соблюда́ти и помога́ти предста́ни: Ты бо еси́ похвала́ нам, ве́рным, Присноде́во.

Моли́ Бо́га о нас, святите́лю о́тче Никола́е, я́ко мы усер́дно к тебе́ прибега́ем, ско́рому помо́щнику и моли́твеннику о душа́х на́ших.

Го́споди, поми́луй. (*Трижды*.)

(Если по 6-й песни читается акафист, то перед седальными читаем кондак и икос.)

Седален, глас 1

Ре́ку исцеле́ний, оби́льне излива́ющую, и исто́чник тя чуде́с неоску́дный показа́, Никола́е, мило́сти бе́дна: тяжкими бо недугами го́рце дру́чими и злоклю́чеными жити́я лю́те му́чими вся́кия ско́рби целе́бную вои́стинну обрета́ют лечбу́, те́плое твое защи́щение. Сего́ ра́ди вопие́м ти: моли́ся Христу́ Бо́гу прегреше́ний оставле́ние дарова́ти пра́зднующим любо́вию святу́ю па́мять твою́.

Слава, и ны́не, *Богородичен*

Яко Де́ву и еди́ну в жена́х, Тя, без се́мене ро́ждшую Бо́га плоти́ю, вси ублажа́ем, ро́ди челове́чести: огонь бо всели́ся в Тя Божества́, и я́ко младе́нца дои́ши Зижди́теля и Го́спода. Тем, а́нгельский и челове́ческий род, досто́йно сла́вим пресвято́е Рожде́ство Твое и со́гласно вопие́м Ти: моли́ Христа́ Бо́га согреше́ний оставле́ние дарова́ти покланя́ющимся ве́рою пресвято́му Рожде́ству Твоему́.

Песнь 4

Ирмос: Жезл из ко́рене Иессе́ова и цвет от него́, Христе́, от Де́вы прозя́бл еси́, из горы́, Хва́льный, приосене́нный ча́щи пришёл еси́, вопло́щся от неискусому́жн्या, невеще́ственный и Бо́же, сла́ва си́ле Твое́й, Го́споди.

Имено́вание твое, еди́но вои́стинну призыва́емо, от всех вра́жних сове́т ско́ро избавля́ет зову́щия тебе́ те́пле, свяще́нне Никола́е: я́ко пе́рвое воево́ды изба́вил еси́, спаси́ и нас от вся́каго лю́таго обстоя́ния.

Престо́лу предсто́я Бо́жию, моли́ти приле́жно, му́дре, не преста́й о всех нас, твои́х ве́рных рабе́х, чу́дне Никола́е, да огня́ ве́чнаго изба́вимся и от враго́в, язы́ка лука́ваго и озлобле́ния.

Врачевáния то́чиши всю́ду ве́рою к тебе́ притека́ющим и от уз избавля́еши вся. Те́мже печа́ль нашу в ра́дость преложи́ твоими Богоприя́тными моли́твами,

Нико́лае пресвѣтле, низлага́я го́рдость враго́в на́ших.

Слава, *Троицен*: Безнача́льнаго Божества́ нача́ло Отца́ и Сы́на чту и Ду́ха почита́ю Всесвята́го, всяческих вседѣтельное, еди́нственное, несекóмое, тремі́ Характѣры и Ли́цы разделя́емое прѣсно, еди́но Ца́рство неразде́льное.

И ны́не, *Богородичен*: Ты вои́стинну па́че земных и небесных честне́йши еди́на еси́, Богороди́тельнице: всех бо Творца́ во утробе зачала́ еси́, плóтию вѣчною одѣяна, ро́ждши без се́мене. О, новолѣпнаго зренія!

Моли́ Бо́га о нас, святителю́ о́тче Нико́лае, я́ко мы усѣрдно к тебѣ прибега́ем, ско́рому помо́щнику и моли́твеннику о душа́х на́ших.

Песнь 5

Ирмос: Бог Сый міра, Отец щедро́т, вели́каго Совета́ Твоего́ Ангела, мир подава́ющая, посла́л еси́ нам; тем, Богоразу́мья к свету наста́вльшеса, от но́щи у́тренююще, славосло́вим Тя, Человеколю́бче.

Проповѣдует твоя, о́тче, чудеса́, ны́не Мир, велича́йшая митропо́лия, и Лики́йская епа́рхия, и вся оте́чествия твоя чудодо́йства, и́миже вся от болѣзней и скорбе́й избавля́еши, богоблаже́нне Нико́лае.

Пита́тель вдов и отец сирóт, помо́щник сущим в ско́рбех всеизря́днейший, пла́чущим утешѣние, па́стырь и путево́ждь всех блудя́щих, Нико́лае, сый, и нас твоими моли́твами от бед изба́ви.

Преста́вился еси́ от земли́ к невещѣственным оби́телем, иде́же зри́ши добро́ту неизрече́нную Христо́ву, и Ангельским во́инством собесѣдник яви́лся еси. Те́мже, со апо́столы и с му́ченики лику́я, приле́жно Влады́ще всех, о́тче Нико́лае, о нас моли́ся.

Слава, *Троицен*: Собезнача́льная Три, еди́нопресто́льная, неразде́льнаго же еди́нства Божества́ сла́влю самовла́стная Ли́ца я́ве, Имже из не суща́го приве́дохся во е́же бы́ти, со Ангелы зовы́и: свят, свят, свят еси́, Го́споди.

И ны́не, *Богородичен*: Челове́ком спасѣние всем и упова́ние, я́же предвара́юще еди́на и спаса́юще, помози́ и ны́не нам, вопи́ющим Тебе́, Чи́стая, и призыва́ющим Тя прѣсно во обстоя́нии лю́тых: предста́тельница бо ины́я, ра́зве Тебе́, по Бо́зе не има́мы.

Моли́ Бо́га о нас, святителю́ о́тче Нико́лае, я́ко мы усѣрдно к тебѣ прибега́ем, ско́рому помо́щнику и моли́твеннику о душа́х на́ших.

Песнь 6

Ирмос: Из утробы́ Ио́ну младе́нца избле́ва морскі́й зверь, якова́ пріят; в Де́ву же всѣльшее́ Сло́во и плоть приѣмшее́ прѣйде, сохра́ншее нетле́нну: Его́же, бо не постра́да ислѣ́ния, Ро́ждшую сохра́ни невре́ждѣнну.

Но́вый яви́лся еси́ Авра́ам, Нико́лае, я́ко еди́норо́дна бо ны́не привѣл еси́ сы́на Влады́ще Твоему́, безкро́вныя же́ртвы принося́ прѣсно. Отону́дуже благослови́лся еси́, я́ко страннолю́бец, о́тче, и Трои́цы был еси́ оби́тель Божѣственна и непоро́чна.

Стра́нна и ужа́сна содева́еши чудеса́, Нико́лае, по всей земли́ и в мо́ри дале́че бе́дствующим, скороте́чными моли́твами предста́тельствую, немощны́м врач и ни́щим пита́тель, побѣ́ды на враги́ тезоимени́т лю́дем ве́рным явля́ся.

Оком у́мным прови́дя бу́дущая, учѣ́ний пра́вых напо́лнил еси́ вся концы́: еди́носущна Отцу́ Сы́на возвеща́я нам, Ариево неи́стовство потреби́л еси́, столп

правосла́вныя ве́ры, честна́я твоя́ предложив исправле́ния.

Слава, *Трои́чен*: Чту́ и почита́ю Трои́цу неразделе́нную, трети́ Ли́цы разделя́емую при́сно, соединя́емую же существво́м и естество́м, я́ко еди́но Нача́ло, Отца́, и Сы́на, и Ду́ха Свята́го, все́ми держа́вно влады́чествующую и вся́ соблюда́ющую, я́ко хо́щет.

И ны́не, *Богородичен*: Весь во́площся во утробе́ Твое́й, Пречи́стая, Христо́с Бог без се́мене роди́ся: не стерпе́ бо Свои́х рук создáние зрети́, от льсти́ваго му́чимо, при́иде разобра́чным о́бразом челове́ческий род изба́вити.

Моли́ Бо́га о нас, святите́лю о́тче Нико́лае, я́ко мы усер́дно к тебе́ прибега́ем, ско́рому помо́щнику и моли́твеннику о душа́х на́ших.

Го́споди, поми́луй. (*Трижды*.) Слава, и ны́не.

Конда́к, глас 3

В Ми́рех, свя́те, священноде́йствитель показа́лся еси́, Христо́во бо, преподо́бне, Ева́нгелие испо́лнив, положи́л еси́ ду́шу твою́ о лю́дех твои́х и спасл еси́ непови́нныя от сме́рти. Сего́ ра́ди освяти́лся еси́, я́ко вели́кий таи́нник Бо́жия благода́ти.

Икос

Воспои́м ны́не святите́ля пе́сньми, ми́рским лю́дем па́стыря и учи́теля, да моли́твами его́ просвети́мся: се бо я́вися чист весь, нетле́нен ду́хом, Христу́ принося́ же́ртву непоро́чну, чи́сту, Бо́гу благоприя́тну я́ко святите́ль, очище́н и душе́ю и те́лом, те́мже сый и́стинно Це́ркве предста́тель и поборо́ник сея́, я́ко вели́кий таи́нник Бо́жия благода́ти.

(Если читается акафист, то конда́к и икос читаются по 3-й песни, перед седа́льнами.)

Песнь 7

Ирмос: Отро́цы, благоче́стию совоспита́ни, злочестива́го веления́ небре́гше, о́гненнаго преще́ния не убо́яшася, но, посреди́ пла́мене стоя́ще, пояху: отце́в Бо́же, благослове́н еси́.

Все́яких лю́тых недуѓ врач всеизря́днейший, о́тче Нико́лае, я́вився, души́ моея́ немо́щь исцели́в, пода́ждь ми благоздрáвие вопи́ти: отце́в Бо́же, благослове́н еси́.

Иза́вив дрéвле воево́ды от сме́рти, свя́те, и ты́я воздви́гл еси́ пе́ти и сла́вити Спа́са Христа́ с ве́рою те́плою, и́же и зыва́ху: отце́в Бо́же, благослове́н еси́.

Прему́дрости ча́ши прибли́жився таи́нственно, устна́ми твои́ми, о́тче Нико́лае, ка́пли одождения́ почерп́л еси́, па́че ме́да и со́та, лю́дем повелева́я вопи́ти: отце́в Бо́же, благослове́н еси́.

Слава, *Трои́чен*: Трои́це, Тя воспева́ем, Еди́нице трисия́тельнейшая, единосу́щная, О́тче, Сы́не и Ду́ше Святы́й, в Ни́хже вси крестивше́ся, воспева́ем: отце́в Бо́же, благослове́н еси́.

И ны́не, *Богородичен*: Я́ко всех тва́рей вы́шши еси́, Богоро́дице, моли́ся Твоему́ Сы́ну и Бо́гу, изба́витися му́ки че́ствующим Тя вои́стинну и сла́вающим: отце́в Бо́же, благослове́н еси́.

Моли́ Бóга о нас, святителю́ óтче Никóлае, я́ко мы усéрдно к тебé прибега́ем, скóрому помóщнику и моли́твеннику о душа́х на́ших.

Песнь 8

Ирмос: Чúда преестéственного росодáтельная изобрази́ пещь óбраз: не бо, я́же при́ят, пали́т ю́ныя, я́ко ниже́ огонь Божества́ – Дéвы, в Ню́же вни́де утробу́. Тем, воспева́юще, воспоём: да благослови́т тварь вся Го́спода и превозно́сит во вся ве́ки.

Чи́ни патриáрхов и апо́столов, и священномóчеников собóри, и проро́ков сослóвие, весь собóр по́стнический блажи́т Божéственное жити́е твоё, с ни́миже и мы вопи́ем: да благослови́т тварь вся Го́спода и превозно́сит Егó во ве́ки.

Высочáйший Всецарю́, великодержáвне, моли́твами преподо́бнаго па́стыря жизнь умири́ всех, Сло́ве, христиáн, побóрствуя на ва́рвары, да Тебе́, Христу́, зове́м: да благослови́т тварь вся Го́спода и превозно́сит во вся ве́ки.

Свётом просвещáся непристúпным, óтче, ду́ши сýщих в скóрби озаря́еши, разоря́я всю мра́чную тьму напáстей, облиста́в же весели́ем сердца́ на́ша. Ими́же далечесия́тельно просвещáеми, вопи́ем: да благослови́т тварь вся Го́спода и превозно́сит во вся ве́ки.

Слава, *Трои́чен:* Живóт и Животы́ и Един и Три свёты, Трои́цу ве́рно воспева́ем, отéческим послéдующе Божéственным и́стинно учéнием, Отца́, и Сы́на, и Ду́ха Свята́го. С ни́миже, благочéствующе, воспо́им: да благослови́т тварь вся Го́спода и превозно́сит во вся ве́ки.

И ныне, *Богородичен:* Чúдо страннолéпно купина́ óбраз прообрази́, чи́стая Отрокови́це, горя́щи неопáльно дрéвце на горé Сина́йстей, та́йну Рожде́ства Твоегó пропису́ющи: огонь бо в Тя Божества́ всели́выйся невре́дну Тя соблюде́. Егóже воспева́ем во вся ве́ки.

Моли́ Бóга о нас, святителю́ óтче Никóлае, я́ко мы усéрдно к тебé прибега́ем, скóрому помóщнику и моли́твеннику о душа́х на́ших.

Песнь 9

Ирмос: Та́инство страна́нное ви́жу и пресла́вное: не́бо – верте́п; престóл херувимский – Дéву; я́сли – вмести́лище, в ни́хже возле́же невмести́мый – Христóс Бог, Егóже, воспева́юще, велича́ем.

Ликовству́ем духо́вно, вси празднолю́бцы, небеса́, веселитесь, го́ры же и хо́лми, це́ркви, и дев ли́цы, и по́стников свётлость, в па́мяти всеблаже́ннаго, в не́йже, соше́дшися, Спа́са велича́ем.

Да пою́т пёсньми непреста́нно вси концы́, похва́льными венцы́ верх Николáя украша́юще я́ве, уго́дника Христа́ Бóга, Егóже моли́твами от страсте́й же и бед да избáвимся.

Я́ко досто́йное приими́ пёние, Никóлае, ма́лаго труда́ сегó, я́коже Христóс при́ят вдовы́ два лёпта. Не возгнуша́йся ока́яннаго страстьми́, не гордя́ся бо, треблаже́нне, дерзну́х.

Слава, *Трои́чен:* Соеди́няется е́диносу́щною во́лею Трои́ца, разделя́ется же па́ки ли́чно неразде́льне, соблюда́ющи Держáву при́сно, Оте́ц, Сын и Дух живы́й, е́дин трипостáсный Бог, Егóже велича́ем.

И ныне, *Богородичен:* Потреби́ся вся́ка печа́ль Рожде́ством Твои́м, и отъя́т Госпо́дь рыда́ние, и плач, и вся́ку слезу́ от вся́каго лица́ земно́родных, чи́стая Богороди́це неискусобра́чная. О Тебе́ и мы до́лги исполня́ем.

Моли́ Бо́га о нас, святи́телю о́тче Никóлае, я́ко мы усéрдно к тебé прибега́ем, скóрому помóщнику и моли́твеннику о душа́х на́ших.

Окончание канона см. 14 - Окончание канонов.doc